

بِسْمِ اللَّهِ الرَّحْمَنِ الرَّحِيمِ

*K*HUTBA JUMMAH

HADHRAT AMIR'UL MUMINEEN MUHYI-UD-DIN

Munir Ahmad Azim

08 Mai 2015 ~
(19 Rajab 1436 Hijri)

(Résumé Khutba)

Après ki li fine salué tous so bane disciples (et tous bane musulmans) du monde entier par « Assalamoualaikum Warahmatullah Wabarakaatuhu » Hazrat Muhyi-ud-Din fine commence so Khutba Jumma avec Tashahhud, le Ta'ouz, Surah Al Fatiha, et ensuite li fine dire:

L'esprit de l'homme li bien complexe. Li fine développé progressivement et sa durant bane différents étapes de so capacité déza développé ki Allah (twf) fine donne li. Allah (twf), à travers bane siècles, à travers So bane différents messagers, prophètes et réformateurs fine continué révèle bane tels l'enseignements ki convenir à sakaine de so bane stage respectif, ziska séki lé temps fine arrivé kan l'esprit de l'homme fine pleinement développé et ki bane moyens d'intercommunication entre bane différents sections de l'humanité fine perfectionné, et le monde dans so l'avancement fine atteindre stage kot li capave forme ene pays et ene nation. A sa stade là, Allah fine envoie le dernier prophète porteur de loi, c'est-à-dire, Hazrat Muhammad (saws) avec le dernier code complet de bane lois révélé, c'est-à-dire, le Quran Shareef, ki ene livre ki représente ene résumé – ki englobe avec simplicité – tous bane la lois ki Allah fine révélé (à travers So bane prophètes) depuis le commencement de la création. Li contenir bane l'enseignements ki adapté à bane besoins de sak l'époque.

Tout en étant dernier livre porteur de loi, mais toutefois, sa pas veut dire ki Allah après le Quran Shareef pas pou accorde la révélation à aucaine de So bane serviteurs. Alors, malgré ki le Quran li le livre parfait et dernier livre ki contenir bane la lois parfaits d'Allah, mais selman bane la portes de la révélation et de l'avancement spirituel zot encore ouvert et pou reste tous les temps ouvert. C'est vrai ki aucaine nouveau la loi pou révélé encore, mais selman pou ena bane tels prophètes ki pou contigné vini et ki pou expose dans ene façon clair bane trésors cachés ki le Quran contenir et sa bane prophètes là pou ouvert aussi à l'humanité bane la portes de la réalisation divine, parski le fait ki aucaine nouvo la loi pas nécessaire en présence d'ene code parfait (c'est-à-dire, le Quran Shareef), mais pourtant l'homme touzour éna sa besoin là pou réussi atteindre la réalisation d'Allah. Alors pas capave ena, par conséquent, ene nouvo la loi, mais selman la porte de sa catégorie de prophète, d'apostolat là li capave selman atteindre par

la perfection spirituelle ki touzour ouvert, pour tous les temps, parski Allah Li autant nous protecteur et source de bienfait pareil couma Li ti protecteur et source de bienfait pour nous bane ancêtres.

L'enseignement (doctrine) ki le Quran le dernier code de lois parfait ki fine révélé pas veut dire ki l'homme fine atteindre dernier étape de progrès intellectuel et ki li pas pou capave alors voyage plus loin encore dans sa domaine là, parski l'esprit humain li pou contigné avancer lors le chemin du progrès, ki li dans sa le monde là et dans l'autre le monde aussi. Au contraire, pli ene livre li parfait, alors pli li aide dans l'avancement de la connaissance et faculté de l'homme pour fer so l'apprentissage (pou apprane). En séki concerne le contenu d'ene livre révélé, alors la parole d'Allah (tw) bizin couma travail en pratique ki Allah (tw) manifester, et alors couma sa bane travail d'Allah là ki ene trésor de bane secrets illimité ki l'humanité pas fine capave entièrement découvert depuis la création de l'univers ziska azordi zour, de même Parole Allah (tw) aussi li bizin ene trésor sans limite de la connaissance (ou l'apprentissage) et la sagesse parski si sa fini nette, alors nous ti pou bizin admettre ki Allah (tw) fine accorde l'univers matériel, ki concerne seulement ene partie limité de la vie de l'homme, avec bane trésors ki zamais pou fini, mais ki (*Nawzobillah*) Li fine mette ene limitation à l'univers spirituel, c'est-à-dire, So livre parfait, et ki alors de sa façon là So bane trésors fine alors fini. Sa en tout les cas, li pas coumsa.

Le Quran Shareef contenir bane trésors pli nombreux ki tout trésors de l'univers matériel, et sa bane trésors spirituelles là zot grand ouvert devant tous bane ki rode sa bane trésors spirituelles là sincèrement. La plupart de bane dimounes ti pou rode tire ene plaisir intellectuel de la contemplation de sa nouveau principe ki ouvert bane la fenêtres de l'horizon de l'intellect à ene degré illimité, mais bizin avant tout mette sa lors ene test pratique. Comme ene humble serviteur d'Allah, mo fine fer sa test là, mo fine mette sa en pratique et l'avantage ki mo fine recevoir kan mo fine applique sa principe là à l'étude du Quran Shareef fine inonde moi avec beaucoup de contentement, ene la zoie ki enivran. Aujourd'hui encore, mo capave encore ressenti sa l'extase (la zoie extrême là) tous les zour, depuis ki Allah fine choisir sa humble serviteur là comme So messenger choisi. Allah fine accorde moi sa connaissance là frékan, pareil couma la pluie tomber et donne ene nouvo la vie à la terre, pareillement Allah fine accorde moi frékan bane sources d'information pour exalter et expose clairement bane paroles divines parfait ki trouve dans le Quran Shareef. Avec sak lecture, Allah révèle ou inspire bane nouvo explications, bane nouvo façons pou guette bane versets révélés et pou applique zot dans nous la vie de tous les jours.

Kan mo contemplé l'étendue du domaine de la connaissance ki ene l'étude du Quran révélé, l'univers vine alors seulement couma ene point, ene la poussière devant mo lizié, parski l'ensemble de l'univers pas capave même rempli ene sel coin de l'univers spirituel ki le Quran affiché devant moi. Le miracle c'est ki kan ene vrai serviteur d'Allah nettoye so lécoeur et croire fermement ki le Quran Shareef capave donne bane solutions à tous so bane problèmes, alors le livre parfait d'Allah, ki contenir bane mots et bane la lois parfaits d'Allah li vine en vérité vivant pour li. Allah cause avec li à travers So Quran. Sak question ki li posé, Allah réponde sa et

n'importe ki doute li ena, Allah retire sa bane doute là parski tous bane versets ki Allah (twt) manifester devant sa dimoune là représente bane réponses à so bane requêtes/supplications. Sa même miracle du Quran Shareef li ene preuve puissant de so véracité comme ene livre de source divine. Commié savant ene dimoune capave savant, mais selman li pas pou capave fourni à l'avance à bane besoins et pou donne ene solution à bane problèmes ki tous l'époque à venir pou fer face. Sa c'est parski bane circonstances de l'homme zot pé touzour évolué. Et ki sanlà capave deviner à travers ki bane conditions l'homme capave traverser dans l'avenir et ki bane nouvo sciences et connaissances ki li capave découvert kot capave bizin bane solutions à bane problèmes de la religion ki entièrement nouvo, et dans ki mesure so l'intelligence pou capave développer et ki zarre manger spirituelle ki li capave bizin?

Le Quran, donc, li ene livre ki contenir ene code complet de bane l'enseignements ki adapté à bane besoins de sak l'époque et ki fourni ene remède à bane mals et fourni aussi bane moyens, bane solutions pour le développement moral et spirituel, de tous l'époque, et alors ene tel livre pareil li impérativement bizin ene livre ki fine révélé par Allah, parski li explique la philosophie du développement de l'homme et li au-delà de la capacité de raisonnement de l'homme pou maîtrise philosophie de développement d'ene entité ki pé touzour reste évoluer même.

Péna aucaine doute ki bane l'enseignements de l'Islam zot souvent gagne bane critique de la part de bane dimounes (de bane les autres religions), mais, tous bane objections ki soulevé contre l'Islam c'est soit à cause sa bane dimoune là pas fine fer bane réflexion serré lors là ou soit à cause zot fine permette zot bane passions gagne le dessus lors la raison. L'Islam présente bane l'enseignements tellement parfaits ki, si li ti soumette à verdict de la raison, et d'ene réflexion ki pas influencé par sentiment ou tradition, alors bane dimounes pas ti pou trouve ailleurs ene l'autre code (de loi) ki pli meilleur et parfait (ki celui de l'Islam) pour l'avancement moral et spirituel de l'homme. Mais selman bane dimounes fine blasphème l'Islam, la vérité dans ene telle façon ki zamais auparavant la vérité fine gagne autant bane blâmes.

Alors nous fer duah ki Allah (twt) touzour protège So religion parfait et So livre parfait et ki Li permette à nous bane humains, So bane serviteurs pou parfaire nous raisonnement pareil couma Allah So bien-aimé prophète parfait Hazrat Muhammad (saws) ti fer et ki Allah donne nous le *Tawfiq* pou comprend So bane l'enseignements parfaits kot, si nous mette sa bane l'enseignements là en pratique dans le droit chemin, alors sa pou permette nous pou commence nous voyage de la réforme pour nous propre bien-être interne (spirituelle) et externe (matériel). *Ameen.*

Annonce :

Hier mo fine recevoir ene message kot Allah pé fer moi comprend ki après l'éclatement de BAI (British American Insurance), pou ena ene éclatement à MPCB (Mauritius Post & Cooperative Bank Ltd) kot pou conné ki bane copains de l'ancien Gouvernement fine faire, et dans sa même la banque là – dimounes pas conné – mais ena beaucoup dimounes fine mette zot l'argent là-dans.